



故宮珍本叢刊

欽定平定臺灣紀略

第二冊 共二冊

故宮博物院編 海南出版社

故宮珍本叢刊第 056 冊清代征戰方略

故宮博物院編

欽定平定臺灣紀略

第二冊（共二冊）

海南出版社

欽定平定臺灣紀略
PDG

圖書在版編目(CIP)數據

親征平定朔漠方略/(清)溫達等纂. —影印本. —海口:海南出版社, 2000. 6
(故宮珍本叢刊)

本書與“御製親征朔漠紀略/(清)聖祖撰”等 13 種書合訂

ISBN 7-80645-665-1

I. 親… II. 溫… III. 戰爭史—史料—中國—清代 IV. Z121.7

中國版本圖書館 CIP 數據核字(1999)第 68753 號

故宮珍本叢刊第 056 冊

清代征戰方略

欽定平定臺灣紀略

第二冊(共二冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 6 月第 1 版 2000 年 6 月第 1 次印刷

開本:787×1092 毫米 1/16 印張:32.5 印數:1-400 冊

ISBN 7-80645-665-1/Z·14

定價:2650 元(清代征戰方略 14 種共 15 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

福康安奏言拆閱常青奏摺

似屬實在情形。林爽文自上年滋事

卷三十三

星堵禦。以致兵分力薄。亦因久未蕝

官兵陸續配渡前往第念兵丁等向未出征恐

營存兵內派撥即令新兵充補但閩省各營兵

丁挑赴臺灣者已多存營之兵諒非精壯且閩

省地方。山海交錯。在在需兵。汛防彈壓。此時若

將內地兵丁調往。而概以新兵充補。亦屬非計。

必須增調得力兵丁。乘其初到銳氣痛加勦殺。

賊匪見官兵日益增多。自必心存畏懼。黨羽漸

離渠用人易就獲今該將軍等又以郡城兵單

調廣西江西兵六千名。但前奉

諭旨令貴州湖北湖南等省各挑兵二千名聽候檄

卷三十三

調此時自己預備齊全查貴州兵丁屢經行陣

最為勇捷。湖廣地方與閩省一水可

通與上。不調他省。莫若仍將貴州湖廣未調之

兵即令分起啓程較為妥速。至四川屯練降番

派撥二千名速行赴閩此項屯練兵丁想已行

走在途將來前抵軍營較他省更為迅速。若復

中途停止未免徒勞往返。況臺灣地方多係深

林密菁屯練兵丁。登山趨捷。用以搜捕匪犯。必能得力。仰懇仍准其調撥。臣惟恐緩不濟急。一面咨會保寧飛催前進。再魏大斌赴援諸羅。中途被賊圍截。雖據稱賊衆二萬猝至。又適遇大雨。不能施放鎗砲。彼此鏖戰。殺死多賊。仍遺失一百餘名等語。但綠營往往有謊報惡習。魏大斌是否張大其詞。以掩其遺失多兵之咎。而此項損失之兵。有無潰散從賊之處。均須

卷三十三

三

究。容抵臺灣後。再行查明核辦。至柴大紀力竭。城坐困已及兩月。現在賊匪鴟張更甚。城中存兵無多。火藥糧餉。又已匱乏。設有疎虞。所關匪細。雖據常青等派令蔡攀龍等帶兵一千六百名前往。但尚未得有到彼信息。且所帶兵力無多。賊勢正在猖獗。恐難即時進剿。竊

思南路賊匪。屢經官兵搜捕。賊勢漸衰。此時郡城一帶。較之諸羅被困情形。不甚著重。自應令常青舍南趨北。於郡城各營。迅發多兵。前往援救。但賊人狡計百出。若見大兵全集諸羅。又恐乘虛右却。城滋擾。郡城為全臺根本重地。若留兵少。不足以備勦捕應援之兵。臣通盤籌畫。所有現在請調各省官兵。懇飭各督撫速行派

卷三十三

四

撥趕緊赴閩。聽候調用。再臺灣不產馬匹。向來內地帶往。此次巴圖魯侍衛等前往進剿。帶兵丁。追拏賊匪。必須乘騎馬匹。方能得力。已札知李侍堯速行備馬二三百匹。先期派員送往臺灣應用。

同日。孫士毅奏言。臺灣地處海中。深秋後早晚寒冷。棉衣在所必需。凡先後赴臺兵丁。似應各

給一件。至衫袴鷄鞋等項。先調之四千名。到臺已閱數月。領兵鎮將目擊將次破爛。自應製備解往。其續調之七千名。甫經赴閩。係屬完好。毋庸一體添給。查鷄鞋套袴。軍裝內例應製備。准在各營公費項內開銷。其棉衣及貼身衫袴。應由各營家屬自備。官為解送。第該兵不能盡有家室。若令自行備辦。恐遲速不齊。有無不一。其

卷三十三

五

中難免向隅。查出征將弁兵丁。例有賞借二項。一兵丁項下。馬兵賞銀十兩。借銀十兩。步兵賞銀六兩。借銀六兩。此次派撥赴臺剿匪。近在鄰省。非比出口大舉。臣意止應照例准借。凱旋後分年扣還。其賞銀一項。應俟到軍前奮勇勦賊。聽候將軍叅贊。隨時酌賞。以示鼓勵。若概於起程時照例賞給。轉使勇怯不分。不足以昭激勸。

臣是以止辦准借一項。至此次派出馬兵。因地隔重洋。並未攜帶馬匹。現係一律步行。臣於各兵起身時。普照步守兵准借六兩之例。每兵先借銀三兩。使不致任意花消。扣存三兩。官為製辦棉衣衫袴。核計尚有餘剩。本係該兵等應借之項。臣即咨明閩省。准其稟知領兵鎮將。就近請借。為軍營添補之用。再鷄鞋套袴。已據各本

卷三十三

六

營陸續解送到潮。其棉衣一項。連餘丁共須一萬二千餘件。臣就近在潮飭令地方官備料鳩工。並經潮州鎮臣彭承堯多派營匠趕緊督辦。不日即可完竣。除現在後起赴閩兵丁已令隨身攜帶外。其餘解交廈門同知衙門。附便搭解軍營。按名散給。又接據梁朝桂等稟稱。逆匪潰逃之後。將備督率追捕。必資馬力。請於附近潮

州各營借撥一百匹解往乘騎。查將備起程時只預支三月養廉按月坐扣。其應借治裝銀兩凱旋後分年扣還一項未經具領。應請即於此內扣出馬價。交各營買補等語。臣查粵兵先後赴臺灣一萬一千名。所有領兵官自總兵至將備共數十員。今請給馬一百匹。略有浮多。然臺灣地屬崎嶇。馬力易乏。似應寬給數匹。俾資追

卷三十三

七

捕已如所請。令官兵陸續順帶過臺。其官員應借治裝銀兩。臣現咨詢閩省畫一辦理。至駐防領兵官員。現按照品級隨帶馬匹。其棉衣一項詢之副都統博清額。據稱現交秋令。各兵均已備帶。毋庸另製。再現在正值勦匪緊要之時。兵數既多。火藥尤宜寬裕。臣先期飭備。復經潮州鎮臣彭承堯。在本營加緊配製。又於額外趕備

火藥四萬觔。即隨此次官兵之後接續運閩。計兵丁隨身攜帶及三次委員額外運送。共火藥二十萬觔。均在粵省年額之外。內十萬觔係額外辦出。尚有十萬觔係於預備三年火藥內抽撥解往。臣嚴飭藩司許祖京。務須剋期採辦。硝磺分給各標營。即日領回配製。前接閩省撫臣來札。借用粵東火藥。將來製就解還。臣思閩粵

卷三十三

八

同一辦公。無分畛域。况閩省現在用兵。正須火藥應用。粵東撥解之項。即可在粵配製報銷。無庸閩省解還。徒糜運腳。至駐防兵一千五百名分作四起。經撫臣添派臬司姚棻運司德爾炳阿肇羅道阿彰阿送至惠州老隆一帶地方。副都統博清額自省統領行走。於七月二十五六七八等日齊入閩境。其續調綠營兵六千名內

除四千五百名。蚤經配渡到臺外尚有在滿兵後接續前進一千五百名。臣本定期於七月二十九三十日點送出境。內有順德新會營兵四百名。遲到兩日。於八月初二日纔到黃岡。當即點送入閩。又欽奉

諭旨添調一千名。八月初三日。先點四百名出境其餘六百名。計程極遲。八月初五六等日。必到閩

卷三十三

九

省詔安縣境。今於初六初八兩日。纔到黃岡。亦即同點送出境。查順德新會及羅定營兵。俱遲到數日。臣會同提臣高臻傳齊衆兵。分將領兵備弁各加重責。使凜遵紀律。不致稍有遲悞。計該兵等到閩。配船東渡。如風色較順。此最後之一千名。亦可於八月二十前。齊赴軍營。再商民挾資營運。利於迅速。往來本年因臺匪滋事。商

船不免心存疑畏。已覺比前稀少。若再盤詰過嚴。必致聞風裹足。商販不通。百貨騰貴。即閭閻隱受其害。是以臣嚴諭守口弁員。如將毫無可疑之客船。槩行留難盤問。立即據實奏革。重治其罪。現在入口商船。視春間較多。從此轉可暗中物色良歹。設法偵探。是一任商船往來無阻。於稽查奸匪。尤為有益。至南路賊匪。尚未十分懲創。何至忽爾紛紛逃竄。北路梗塞雖通。然賊匪鬼蜮多端。其中恐有別情。未可深恃。且又聞逆匪林爽文。將無食貧民。招入賊巢。挑取年壯者。厚給衣食。教以技勇。抗拒官兵。其怯弱者盡數趕出。聽其所之。以免養活無用之人。其奸惡至此。臣每向粵省帶兵將備。論及鎗砲為行軍利器。固須演放純熟。然聞逆賊近因官兵鎗砲

卷三十三

十

利害。不能抵禦。竟敢練出一夥亡命奸徒。伏在賊匪隊內。抵死直犯我兵。倘不預為整備。恐臨時轉致喫虧。必須於鎗手後緊接短兵。如賊匪已在百步之內。即令短兵直前撲殺。有反顧者。將弁從後砍之。如此痛勦一兩陣。殺賊數千。賊無計可施。當成瓦解之勢。再臣聞賊匪最短火藥。蓄心搶奪我兵存貯火藥處所。尤宜防護。又

卷三十三

十二

聞林爽文胞弟。為鎮臣柴大紀用砲擊斃。莊大田之子。為人割取首級出獻。未知是否確實。再部議將粵海關五十二年分應徵稅銀。撥運二十萬兩解閩備用。已移知廣東撫臣圖薩布。會同監督臣佛寧撥出。迅速委員。眼同彈兌裝鞘。運交閩浙督臣李侍堯存貯。入於軍需項下備用。均奏入。

上命軍機大臣。傳諭福康安。常青李侍堯藍元枚。前因常青等辦理勦捕事宜。怯懦因循。茫無定見。是以特派福康安前往更換。督辦軍務。福康安非常青可比。朕方倚以集事。今閱奏到之摺。看來福康安竟不免為常青所惑。畧有畏難之意。福康安雖更事未久。但軍旅之事。屢曾經歷。寧不知臺灣賊匪止係烏合之衆。夥黨雖多。易聚亦復易散。惟

卷三十三

十三

在殲其渠魁。則脅從當不攻自破。現在常青處兵力。雖經零星派撥。止存現兵四千名。但添調之浙粵駐防綠營兵五千名。業經陸續配渡。又經李侍堯於閩省泉州各營。派撥兵三千名。早應接續到彼。加以川省屯練兵二千名。昨已令鄂輝帶領星速前往。是添調之兵。不為不多。况福康安帶領巴圖魯侍衛等百餘人。皆屬屢經行陣。趨健可用。以

如許兵力。而又得奮勇帶兵之人。更何必於此時先為鯁鯁過計乎。且用兵之道。全在乎將。如運籌制勝得宜。原可以少擊衆。斷無賊有一二十萬。即須以官兵一二十萬應之之理。若以一兵當一賊。即再調多兵亦屬不足。豈有添兵不已之理乎。現在賊匪以全力圍攻諸羅。其勢甚重。福康安到彼。自應統領大兵。徑趨北路。打通道路。聯絡聲勢。會合進剿。方可使軍威振作。壁壘一新。鼓勇直前。令賊人望風奔潰。若先存瞻前顧後之見。何以集事。況就福康安所慮。如恐大兵往北。賊人乘虛滋擾郡城。試思賊匪等如由諸羅一路。攻擾郡城。則賊人來路。即福康安常青等北去之路。正可迎頭截殺。賊人焉能逼近郡城。若慮賊從間道山徑潛出滋擾。我兵豈不可堵其出路。若慮南路之賊攻擾

卷三十三

十三

郡城。則常青在彼數月。添兵未及到齊。尚能保守無虞。豈福康安與海蘭察等同往各路增調之兵萬餘。又已到齊。且有巴圖魯侍衛等百餘人。轉慮其乘虛滋擾之理。即使常青於福康安未到之前。業已帶兵前赴北路。而郡城營盤。尚有恒瑞帶兵駐守。豈不足以捍禦福康安又何所顧慮而先存畏怯之意。甚不滿朕所望矣。至常青摺內所稱柴大紀請添兵一萬之語。自因柴大紀被賊攻圍兩月。道路阻塞。文報不通。於陸續添調各省之兵。共計有一萬六七千名之處。並未得有信息。又因被困甚急。不無惶怯。是以有添兵一萬之請。今福康安已知添調多兵。正當乘其銳氣及鋒而用。一振從前萎靡畏葸之習。乃於途次即已奏請添兵。轉比常青奏請之數較多。豈非畏難多慮乎。福康安

卷三十三

十四

身為統帥。軍中俱視其意嚮。若福康安先有示怯之意。則以下將弁等。更必心存懦怯。士氣豈能振奮耶。況即如請添調貴州湖廣等兵。亦非指日可到。必須兩月之久。方能到彼。設諸羅稍有意外之虞。已屬緩不濟急。於現在勦捕應援機宜。有何裨益耶。福康安務須堅持定見。胸有成算。相機妥辦。不可稍涉游移。若福康安亦不免畏難過慮。朕又

卷三十三

五

將何所倚恃。總之此事全在得其竅要。決機制勝。以期鼓勇直前。朕屢念軍務早已通盤籌畫。今不妨為福康安明白宣示。使之安心。若此時常青等勦捕得有轉機。早晚捷音奏至。即前此調備之黔楚兵。竟當停止徵調。福康安自應速渡臺灣。督兵奮勦。萬一常青等仍前株守。諸羅勢竟不支。甚或至臺灣全郡搖動。則其事必須大辦。且將調用京

兵。及各省兵。并不止於調派貴州湖廣之兵而已。朕豈大意不審事體之人。然以天理人情論之。未必至此決裂。福康安不必先事畏懼也。彼時自應令福康安駐劄廈門。俟大兵齊集。再圖進取。必不令福康安止帶屯練兵二千冒昧前進。何必於此時先存疑難畏怯之見乎。福康安接奉此旨。更當安心鎮定。勉圖克捷。毋負朕委任之意。再現在臺灣勦捕賊匪。添兵甚多。將來進攻大里杙賊巢。尤須用砲轟擊。火藥鉛彈。最為緊要。且賊人此時所搶火藥。漸已用盡。若運送軍營時。或被賊人乘間邀截。搶奪。貽誤非細。著常青李侍堯藍元枚等。務須加派弁兵。小心押運。加意防範。倘稍有疎虞。惟伊等是問。

卷三十三

六

同日李慶棠奏言。黔省原有挑備戰兵二萬名。

平日勤加訓練。以備調遣。今接奉

諭旨。隨密飭各標營。即於戰兵內復加挑選。擇其勁勇出色者。如數預備。並飛咨督臣富綱。暨提臣保成。將曾經行陣奮勇幹練之將備。公同揀派。令其帶領管束。至黔省軍裝。向俱整齊。火藥亦屬充裕。一俟續奉

諭旨。或福康安檄調文書到日。即可分起迅速前進。

卷三十三

七

奏入報

聞

二十五日。庚申

上諭軍機大臣。傳諭福康安曰。昨據福康安奏稱添派官兵一摺。已降旨詳悉開導指示。今反覆思之。竟至徹夜不能成寐。福康安受恩多年。最為深重。非他人可比。因其才具歷練。是以特令前往臺灣。

督辦軍務。前福康安陛辭之時。朕曾經詳悉面諭。

福康安由驛前往。如途次啓閱常青等奏報勦捕

事宜。辦理得手。已與藍元枚柴大紀會合。即應迅

渡臺灣。督同進勦。倘常青柴大紀或不能得勝。而

臺灣全郡。竟有意外之虞。福康安自應駐劄廈門。

等候官兵調齊。再渡臺灣。相機妥辦。所諭機宜。至

為明晰。朕臨御五十餘年。於一切重大事務。經歷

卷三十三

六

不知凡幾。無不通盤籌畫。熟慮機先。今委福康安以勦捕之任。豈有令其冒險前進之理。無論福康安久經簡任。寄以股肱心膂。事無鉅細。無不休戚相關。斷不肯置伊於險地。即常青藍元枚柴大紀等。身歷戎行。皆係為國家出力。亦皆體恤周至。圖其萬全。下至蔡攀龍徐鼎士及大小將弁。朕亦無不時加軫念。弗令涉險。豈有福康安為朕所親信。

倚任之人。轉不為之計。出萬全耶。福康安非不曉事者。何至不能仰體朕意。忘朕面諭之語。轉為常青等奏摺所惑耶。況朕即不為福康安一身之計。寧不為朕一身國家軍旅重務。熟思籌畫耶。朕屢念軍務。早夜思維。揆之天理。則朕子惠黎元。於臺灣百姓。一視同仁。並無額外徵求之事。而以人事言之。則林爽文以無籍細民。負螞蟻聚。止係么膺

卷三十三

九

小醜。即云不肖官吏。貪黷斂怨。亦俱被伊戕害。且肆其荼毒。地方良民受害者。更復不少。實為覆載所不容。亦斷無不速就撲滅之理。福康安於金川軍旅大事。亦曾經練。豈轉於此等么膺小醜。竟至委靡不振耶。況我國家荷蒙

上蒼眷佑。軍興之際。即偶遇危難。無不轉敗為功。如從前兆惠之在錫箔。阿桂於木果木溫。福挫失之後。

亦曾屢經危險。旋俱克成大勲。況回部金川。本其部落。用兵撻伐。猶不無戰勝闢土之心。至臺灣本屬內地。林爽文止係編氓。適以自取其死。臨以大兵。有不如摧枯拉朽。速就殄滅者乎。且柴大紀現在雖被賊匪攻圍。勢在急迫。而常青業已派委蔡攀龍帶兵往援。柴大紀蔡攀龍素為賊所畏憚。亦皆奮勇可恃。日內常青接奉前旨。若即舍南趨北。

卷三十三

十

諸羅自己解圍。軍威振作。捷音踵至。亦未可定福康安何必遽請添調多兵。為此徒亂人意之舉乎。且福康安於清江地方發摺。距廈門甚遠。豈能一蹴而至。途中自必續接常青等奏報。即使諸羅勢將不支。必須增添兵力。常青已經具奏。福康安原可駐劄廈門。等候官兵齊集。再渡臺灣。相機督勦。況續添滿漢官兵。正在到齊。軍威增壯。更可無慮。

福康安此時前抵廈門。尚需時日。又何必預存畏難過慮之見耶。從前康熙年間。奸民朱一貴糾衆滋事。臺灣全郡俱陷。經總督滿保。派令藍廷珍。以一總兵帶兵前往。即能剋期撲滅。況現在派如許重兵。有福康安等帶同巴圖魯侍衛。督率進剿。又何難迅奏膚功。蓋此等刁悍匪徒。一時蟻聚。緩則彼此相助。急則彼此相圖。無論林爽文等罪惡貫

卷三十三

五

盈。斷無不立遭誅殛。即為萬一之慮。逆匪等竟將臺灣全郡搶佔。而其黨惡匪夥。如莊大田等。亦斷不肯甘心屈服。自必爭為雄長。自相戕害。其勢必至內潰。從前朱一貴佔據臺灣後。即有吳姓賊人互相爭鬪之事。此即前事之証。是林爽文等縱使大肆猖獗。臺灣全郡為賊所佔。亦無難設法圖之。指日授首。況此時賊人佔據要隘。我兵前往攻剿。

在賊匪或得以逸待勞。若賊匪竊據臺灣。官兵分路進攻。則匪徒四處守禦。其力亦必難支。此乃反客為主之勢。辦理更不至棘手。福康安寧未算及此乎。朕之待福康安。不啻如家人父子。恩信實倍尋常。福康安亦當以伊父傳恆事朕之心為心。竭力奮勉。克紹箕裘。並揆度事機。驗之天理人心。努力堅定。副朕體恤周至。宵旰焦勞之意。一力擔當。

卷三十三

五

若遇事輒先涉張皇。不特朕將何所倚恃。而伊亦將置身何等耶。且在京大臣中。為朕所倚信。素能辦事者。如阿桂久經軍旅。但已年逾七旬。自難令其遠涉重洋。和珅朝夕扈從。在朕前承旨書諭。亦難暫離。此外即令福康安自思。更有何人堪能勝任者。福康安簡任有年。為國家屈指可數之人。若伊復有疑難。不能肩此重寄。朕又將簡用何人。亦

斷無為此小事。派福康安前往復令阿桂和珅續往。又豈有朕親征之理乎。就目前情形而論。福康安屢膺軍旅聲威素著。今領兵前往。賊人計大兵必前抵臺灣郡城。自亦轉注該處。以圖抵禦。而此處係久經保守駐兵之所。可保無虞。福康安竟不必前赴府城。應帶領巴圖魯侍衛等由蚶江配渡。直抵鹿仔港。若藍元枚業已前抵諸羅。援應福康

卷三十三

三

安即應接續前進。在後督率會合攻勦。如藍元枚尚未前往。福康安即當會同藍元枚。并檄知徐鼎士。或竟前赴大里杙。賊巢夾攻。乘虛直搗。俾賊人聞知。自必回顧巢穴眷屬。則諸羅之圍可不攻而自解。而南路賊匪亦必聞風驚潰。紛紛解散。此為聲東擊西之計。使其首尾不能相應。必成擒矣。福康安務須安心鎮定。出奇制勝。勉圖奏捷。

上又命軍機大臣傳諭孫士毅李侍堯曰。調派臺灣兵丁所需棉衣等物。其借給工料銀兩。原應照例歸款。但該兵丁等調赴軍營。如果能奮勇出力。將逆匪即行勦滅。迅速藏功。則借支款項。即加恩賞。給免其扣還。亦無不可。著孫士毅李侍堯即將此旨宣諭各兵丁等。俾感激歡欣。倍加踴躍。

卷三十三

四

同日李侍堯奏言。閩省增募新兵。今據各營具報。已募得一萬有餘。其餘尚在廣為招募。查各處情形。亦有不同。如南澳左營派募四百名。現僅募得二三十名。經臣嚴行申飭。令其速為召募。尚未據報。其上游延建一帶。亦祇兵家子弟應募。而民人入伍者甚少。是各鎮協營不能預定額數。均勻配募。只可於易募之處。多增新兵。以備應用。閩省惟泉漳二府。民皆好勇尚氣。情

愿入伍者多。且調發赴臺。亦最近便。自應於此二府。多行召募。但細加體訪。漳州民情。究不可信。緣泉州久分氣類。現在逆匪林爽文莊大田等。俱係漳籍。是以臺地漳人多為賊所誘脅。而拒賊者皆係泉人。內地聲息相通。泉民聞募兵殺漳人。尚俱踴躍。若募漳人往勦。勢必不能得力。且漳人入募。難保無會匪混入其中。而既令

卷三十三

五

食糧。將來事定後。或須量加裁減。更有難於辦理之處。通盤計算。與其多募漳兵。自不如多募泉兵。是以臣所募兵內。漳州所屬。僅照藍元枚所指營分。共募兵一千。其餘多在泉州。及金門。廈門等處招募。至兵數既增。則軍械尤須多備。烏鎗一項。臣前查奏內地各營遺失及不適用者。七千餘桿。又因上年臺匪猝擾。及本年鳳山

失事。約畧損失三四千桿。現已動項。於福州福寧泉州漳州廈門分設五局。派文員會同營員。上緊製補一萬桿。今新募多兵。每一兵即須一械。就現募兵數。又須添製烏鎗六七十桿。刀鎗藤牌二三千件。一併嚴飭各局晝夜趕造。計兩月內。俱可齊全。餘俟續募得兵若干。一面配製。亦可應手。至所募新兵。現將舊兵鎗械通融應

卷三十三

五

用。使之早為演習。俟新製鎗械齊備。則各兵技藝亦可嫻熟得用。再軍營各兵。自應預籌禦寒之具。臣已飭藩司。即於軍需項內動支。分交各營趕緊製備。除舊派戍兵。本係駐防。業有貯備。無庸給予。其續派之征兵。應各製給長袖布厚棉馬褂一件。單布套褲一雙。搭船解往。所用工料價銀。統俟凱旋後。於各該兵丁月餉銀內寬

聞

以月日陸續扣除歸款奏入報

欽定平定臺灣紀畧卷三十四

八月二十六日 辛酉

上命軍機大臣傳諭福康安李侍堯曰。臺灣勦捕賊匪。自常青接辦後。續調官兵。不為不多。因常青零星派撥。以致郡城存營之兵。止有四千。不敷策應。其實添派浙粵滿漢官兵。已有二三萬。兵力已為厚集。乃福康安於途次一見常青之摺。遽為所惑。

卷三十三

壬

卷三十四

是以未即准行。今再四思維。福康安受朕深恩。委以軍旅重寄。伊並非不曉事之人。於調度機宜。豈有不悉心籌畫。何至畏難若此。推原其意。自因於途次接閱常青等奏報情形。勢甚急迫。而伊前抵廈門。尚須時日。若俟到彼後。該處有不得不添兵之勢。臨期再行奏請調撥。恐致緩不濟急。是以預為奏請。朕屢念軍務。宵旰靡寧。豈不知厚集多兵。